



Polísia Nasionál Timor-Leste
Komando Jerál PNTL

Estratéjia Jéneru 2024-2028

POLÍCIA NASIONAL TIMOR-LESTE
PROFISIONALISMU NO RESILIENTE

Scan hodi download estratéjia



OBJETIVU SIRA

Saida mak ita hakarak atu alkansa?



IHA INSTITUISAUN LARAN

Hasa'e kapasidade institusional hodi hadi'ak liu tan abordajen jeneru iha PNTL hodi promove igualdade no inkluzividade



Hasa'e fetu sira nia partisipasaun no lideransa iha instituisaun.



Promove servisu fatin ida ne'ebé seguru no haburas respeitu, igualdade, no profisionalizmu.

KOMUNIDADE LOKÁL

Harii kapasidade atu fornese polisiamentu ne'ebé foka ba ema, no sensível ba jeneru iha comunidade lokál sira-nia le'et.



Hasa'e kapasidade no fornese ekipamentu ne'ebé adekuaudu atu rezolve krime no konfliktu sira ne'ebé relaciona ho jeneru iha comunidade sira-nia le'et.



Konxiénsia públiku no konfiansa ba PNTL nia papél, responsabilidade, no servisu sira aumenta ona iha comunidade.

Ho apoiu husi



⚙️ Programa formasaun kona-ba igualdade jéneru, lideransa fetonian; prevensaun no resposta ba violénsia bazeia ba jéneru hasa'ona konxiénsia kona-ba jéneru iha instituisaun laran.

⚙️ Adosaun ba Padraun prosedimentu operasionál (SOP) hodi jere no halo relatóriu ba kazu sira asédiu seksuál nian iha servisu fatin.

⚙️ Lei Organiku PNTL (Dekretu-Lei Nú. 34/2024) institusionaliza ona Gabinete ba Igualdade Jéneru no Inkluzan nu'udar orgaun konsultivu ba Komandante Jerál PNTL.

⚙️ Dekretu-Lei Nú. 35/2024 loran 18 fulan-Outubru nian estipula katak políisia sira tenke hala'o sira nia knaar laho diskriminasaun bazeia ba jéneru ka orientasaun seksuál.

Progresu sira

⚙️ Fornesimentu farda pre-natal hodi atende nesesidade ofisiál políisia fetosira durante periodu isin-rua.

⚙️ Ofisiál políisia fetosira iha direitu ba loran 65 ba lisensa maternidade ho simu nafatin saláriu.

⚙️ Lei Orgánika PNTL (Dekretu-Lei No. 34/2024) institusionaliza ona Departamentu Apoiu ba Ema Vulneravel (uluk ho naran Unidade Ema Vulneravel sira) hodi fó prioridade ba prevensaun no responde ba Violénsia Bazeia ba Jéneru no apoiu ba grupu sira ne'ebé marjinalizadu liu.



Dezafiu sira

⚠️ **Barreira sira ba rekrutamentu fetosira:** Iha nesesidade atu aumenta rekrutamentu fetosira, rezolve barreira sira iha rekrutamentu ba aplikante isin-rua ka kabenna'in sira, no haree fila-fali ezijénsia fíziku sira ne'ebé karik la refleto ezijénsia no nesesidade operasionál sira.

⚠️ **Reprezentasaun fetone'ebé menus:** Feto sira kompostu 15% husi PNTL (iha tinan 2022) no ladún hetan representasaun iha knaar operasionál no espesializadu sira. Hasa'epoiu ba promosaun lideransa fetonian ne'e krusiál atu rezolve lakuna jéneru ne'ebé signifikativu iha pozisaun lideransa nian.

⚠️ **Kestaun asesu operasionál:** Hametin fetosira-nia formasaun no asesu ba utilizasaun armas no veíkulu sira ne'e esensiál, tanba esperiénsia limitadu ho rekursu sira-ne'esatan sira-nia mobilidade no partisipasaun iha operasaun sira.

⚠️ **Konxiénsia no komprensaun limitadu kona-ba prevensaun no resposta ba asédiu seksuál:** Iha nesesidade atu divulga no fornese formasaun kona-ba SOP sira kona-ba Prevensaun no Resposta ba Asédiu Seksuál ba membru pesoál PNTL hotu-hotu.



Objetivu, Rezultadu Intermediatu no Rezultadu Imediatu

OBJETIVU 1

PNTL hasa'e kapasitasaun institusionál ba promosaun igualdade jéneru iha PNTL nia laran

Rezultadu Intermediatu 1.1:

To'ó 2028, PNTL nu'udar instituisaun ida ne'ebé promove servisu seguransa ne'ebé representativu no inkluzivu liután ho aumenta fetu nia partisipasaun no lideransa iha instituisaun nia laran.

✓ **Rezultadu Imediatu 1.1.1**

PNTL promove fetu sira-nia partisipasaun ne'ebé boot liu tan iha rekrutamentu no rezolve barreira estruturál sira ba rekrutamentu.

✓ **Rezultadu Imediatu 1.1.2**

PNTL hadi'ak planeamentu ba forsa traballu, hasa'e forneseimentu apoiu ba ofisiál polisia fetu sira iha avansu karreira liuhosi asaun afirmativa, no haforsa sira-nia kapasidade atu asumi kna'ar lideransa no papél foti desizaun.

✓ **Rezultadu Imediatu 1.1.3**

Igualdade jéneru ne'e aborda iha lei, política, planu asaun anuál no orsamentu, no prosedimentu no estratéjia sira PNTL nian. Gabinete ba Igualdade Jéneru no Inkluziun lidera ho efetivu koordinasaun, implementasaun, monitorizasaun no relatóriu kona-ba kompromisu jéneru nian.

Rezultadu Intermediatu 1.2:

To'ó tinan 2028, PNTL promove ambiente serbisu ida ne'ebé seguru ne'ebé livre husi asédiu seksuál no haburas kultura servisu fatin ne'ebé promove respeito, igualdade no profesionalizmu.

✓ **Rezultadu Imediatu 1.2.1**

PNTL efektivamente mantein mekanizmu internál atu simu, halo relatóriu no investiga kazu asédiu no abuzu seksuál no atu fornese apoiu ba sobrevivente sira iha PNTL nia laran ho aprosimasaun konfidensiál, sensível ba jéneru, no foka ba iha sobrevivente.

✓ **Rezultadu Imediatu 1.2.2**

Fasilidade sira fornese atu aseguira ambiente serbisu no akomodasaun ida ne'ebé seguru no sensível ba jéneru ba ofisiál fetu sira iha PNTL nia laran.

OBJETIVU 2

PNTL hasa'e ona kapasidade atu fornese servisu ne'ebé asesivel, seguru, sensivel ba jéneru, no responde ba nesidade seguransa feto no labarik-feto sira no comunidade, partikularmente grupu sira ne'ebé vulneravel liu.

Rezultadu Intermediatu 2.1:

To'o tinan 2028, PNTL hasa'e ona kapasidade no ekipamentu no facilidade ne'ebé adekuaudu hodi prevene no responde ba krime relasiona ho jéneru, konfliktu, no asuntu sira iha comunidade.

✓ **Rezultadu Imediatu 2.1.1**

Ofisiál PNTL sira aumenta ona koñesimentu no kompeténsia no abilidade investigativu iha jestaun kazu violénsia bazeia ba jéneru, resposta, no referal.

✓ **Rezultadu Imediatu 2.1.2**

Ekipamentu no facilidade adekuaudu fornese husi PNTL iha prevensaun no resposta ba krime relasiona ho jéneru, konfliktu, no asuntu sira iha comunidade sira.

✓ **Rezultadu Imediatu 2.1.3**

Públiku sira aumenta ona konxiénsia no konfiansa kona-ba knaar, responsabilidade, no servisu sira ne'ebé fornese husi PNTL, inklui prevensaun no resposta ba relatóriu no referál kazu violénsia bazeia ba jéneru no violénsia doméstika.

“Estratéjia Jéneru ne'e nia objetivu atu promove feto sira-nia partisipasaun no lideransa ne'ebé boot liu tan iha nível hotu-hotu iha PNTL nia laran, no hasa'e polisiamentu komunitáriu ne'ebé sensivel ba jéneru hodi hataan ba nesidade seguransa la-hanesan hosi feto no mane sira no grupu sira ne'ebé marjinalizadu liu iha Timor-Leste”

Komissáriu-Jerál Henrique da Costa, M.Si
Komandante Jerál

